

ADMINISTRACIÓN LOCAL

MUNICIPAL

COIRÓS

Publicación da resolución da Alcaldía núm. 75/2026 de data 13 de abril de 2026 de delegación de competencias da Alcaldía na Xunta de Goberno Local

ANUNCIO

ASUNTO: PUBLICACIÓN DA RESOLUCIÓN DA ALCALDÍA NÚM. 75/2026 DE DATA 13 DE ABRIL DE 2026 DE DELEGACIÓN DE COMPETENCIAS DA ALCALDÍA NA XUNTA DE GOBERNO LOCAL. EXPEDIENTE: 2026/G003/000092

ANTECEDENTES:

Ao abeiro do disposto nos artigos 20.1.b) da Lei 7/85, de 2 de abril, reguladora das Bases de Réxime Local e 35.2 do Regulamento de Organización, Funcionamento e Réxime Xurídico das Entidades Locais, do 28 de novembro de 1986, a Xunta de Goberno Local existe en tódolos municipios con poboación superior a 5.000 habitantes, e nos de menos se así o dispón o seu regulamento orgánico ou o acorda o Pleno.

A Xunta de Goberno Local foi creada por acordo plenario adoptado na sesión organizativa celebrada o 30 de xuño de 2023 (BOP nº 128 do 6 de xullo de 2023) e por Decreto da Alcaldía núm. 127/2023 do 27 de xuño de 2023 realizouse a delegación de competencias, que agora cómpre ampliar no exercicio de determinadas atribucións que o artigo 21.1 da Lei 7/85, do 2 de abril, reguladora das Bases de Réxime Local, modificada pola Lei 11/99, do 21 de abril, lle asigna a esta Alcaldía. Tal e como sinala o artigo 23 da LRBRL, corresponde á XGL:

- a) A asistencia ao Alcalde, no exercicio das súas atribucións.
- b) As atribucións que o Alcalde ou outro órgano municipal lle delegue ou lle atribúan as leis

Xa que logo, e en uso das facultades que me confiren os artigos 21.3 e 23.1 da Lei 7/85, de 2 de abril, reguladora das Bases de Réxime Local; 65 da Lei 5/97, do 22 de xullo, de Administración Local de Galicia, e 43.2 e 52 do Regulamento de Organización, Funcionamento e Réxime Xurídico das Entidades Locais, do 28 de novembro de 1986, **RESOLVO:**

Primeiro.- Revogar o Decreto da Alcaldía núm. 127/2023 do 27 de xuño de 2023 (Expte. 2023/G003/000139).

Segundo.- Delegar na Xunta de Goberno o exercicio das seguintes atribucións correspondentes a Alcaldía:

1º. En materia urbanística:

a) A resolución de expedientes que teñen por finalidade o sometemento ao control municipal dos actos de edificación e uso do solo, definidos no artigo 142.2 e 3 da Lei do Solo de Galicia

b) As aprobacións dos instrumentos de planeamento de desenvolvemento do planeamento xeral non expresamente atribuídos ó Pleno, así como a dos instrumentos de xestión urbanística e dos proxectos de urbanización, todo elo nos termos previstos na normativa de urbanismo e ordenación do territorio de Galicia.

c) Aprobación do expediente de delimitación do solo de núcleo rural, segundo o establecido no art. 78 da Lei 2/2016 do Solo e Urbanismo de Galicia.

c) Expedientes de reposición da legalidade urbanística e sancionadores.

2º. En materia de persoal:

a) Aprobar a oferta de emprego público de acordo có Orzamento e o cadro de persoal aprobados polo Pleno.

b) Aprobar as bases das probas para a selección de persoal funcionario de carreira, persoal laboral fixo e laboral temporal e para os concursos de provisión de postos de traballo.

3º. En materia de contratación:

a) As competencias como órgano de contratación respecto dos contratos de obras, de subministración, de servizos, de concesión de obras, de concesión de servizos, os contratos administrativos especiais e os contratos privados, cando o seu valor estimado non supere o dez por cento (10 %) dos recursos ordinarios do orzamento nin, en calquera caso, a contía de seis millóns de euros, incluídos os de carácter plurianual cando a súa duración no sexa superior a catro anos, eventuais

prórrogas incluídas, sempre que o importe acumulado de todas as súas anualidades non supere nin a porcentaxe indicada, referida aos recursos ordinarios do orzamento do primeiro exercicio, nin a contía sinalada.

Esta competencia delegada levará aparellada a de autorizar e dispoñer os gastos correspondentes contra aplicacións orzamentarias cuxa xestión lles corresponda, en virtude do establecido no artigo 117 da Lei 9/2017 de Contratos do Sector Público e, en xeral, todos aqueles actos e trámites que a normativa vixente atribúe ó órgano de contratación.

A Alcaldía manterá as competencias como órgano de contratación respecto da aprobación das certificacións de obra e facturas derivadas dos contratos adjudicados por delegación pola Xunta de Goberno Local.

A Alcaldía manterá as competencias como órgano de contratación respecto dos contratos menores de valor estimado inferior a 6.000,00 euros.

4°. En materia de proxectos de obras e servizos: a aprobación de proxectos técnicos de obras e de servizos, con arranxo ó procedemento legalmente establecido, cando sexa competente para a súa contratación ou concesión e estean previstas no Presuposto.

5°. En materia de convenios interadministrativos: a aprobación dos convenios previstos no artigo 47.2 da Lei 40/2015, do 1 de outubro, do Réxime Xurídico do Sector Público.

6°. En materia de subvencións:

a) Solicitude e aceptación de subvencións de outras administracións non expresamente atribuídas a outro órgano de goberno municipal, agás os supostos nos que se esixa a solicitude e/ou aceptación por algún órgano municipal específico, sen prexuízo de que por razóns de urxencia a Alcaldía efectúe a solicitude dando conta á Xunta de Goberno Local na seguinte sesión que se celebre.

b) A aprobación das bases e das convocatorias de axudas e subvencións sometidas ao principio de libre concorrancia.

c) A concesión definitiva de subvencións, axudas e becas outorgadas polo Concello en réxime de concorrancia competitiva.

d) A aprobación da concesión das subvencións previstas de forma nominativa no Orzamento Municipal e no seu caso, do convenio regulador das mesmas.

e) A concesión de axudas directas cando se acrediten razóns de interese público, social, económico ou humanitario que dificulten a súa convocatoria.

A aprobación das xustificacións presentadas polos beneficiarios permanece no ámbito competencial da Alcaldía.

7°. En materia de ingresos:

a) Aprobación de Padróns, Matrículas e Listas cobratorias de Impostos Municipais, Taxas e Prezos Públicos.

b) Aprobación de liquidacións de ingresos directos derivados de licenzas e autorizacións delegadas na Xunta de Goberno Local.

c) Concesión de autorizacións de entroncamentos de auga e conexións á rede de sumidoiros municipal.

8°. En materia de responsabilidade:

a) Resolución de expedientes de responsabilidade patrimonial esixida ó Concello de Coirós nos termos sinalados pola normativa aplicable

b) Expedientes de esixencia de responsabilidade extracontractual a terceiros que causen dano en intereses, dereitos ou bens municipais.

9°. En materia de patrimonio:

a) A aprobación e a adjudicación dos expedientes de concesión (aproveitamento especial e privativo) sobre os bens de dominio público de titularidade municipal (derivados de procedementos de libre concorrancia e adjudicación directa) e do gasto que, no seu caso, traian consigo, cando a súa duración sexa superior a catro anos.

b) A aprobación e a adjudicación dos expedientes de constitución de calquera tipo de dereito real sobre o patrimonio municipal cando a súa duración sexa superior a catro anos.

c) A aprobación e a adjudicación dos expedientes de adquisición de bens mobles ou inmobles, por compra, doazón ou permuta, cando o seu valor sexa igual ou superior ao 5% dos recursos ordinarios do orzamento.

d) A aprobación e a adjudicación dos expedientes de alleamento do patrimonio municipal cando o seu valor sexa igual ou superior ao 5% dos recursos ordinarios do orzamento.

10°. En materia de taxis:

a) O outorgamento, autorización de transmisión e declaración de caducidade das licencias de taxi ás que se refire a Lei 4/2013, de 30 de maio, de transporte público de persoas en vehículos de turismo de Galicia, ou normativa posterior, no seu caso.

Terceiro.- Todo canto antecede o é sen prexuízo das avogacións que, no seu caso, puideran disporse pola Alcaldía, de maneira motivada e mediante resolución formal, de acordo có previsto na Lei 40/2015 de Réxime Xurídico do Sector Público; e das facultades de asesoramento e ditame que reserva á Xunta de Goberno Local o art. 23 da Lei 7/1985 Reguladora das Bases de Réxime Local.

Cuarto.- Non é delegable a resolución dos recursos administrativos que se interpoñan contra os actos ditados por delegación. O órgano competente para a resolución do recurso de reposición contra os ditos acordos será a Alcaldía, na aplicación do artigo 9.2.c) da Lei 40/2015, do 1 de outubro, que prohibe a delegación das competencias relativas á resolución de recursos.

Quinto.- O réxime dos acordos ditados por delegación será o establecido pola Lei 40/2015 de Réxime Xurídico do Sector Público, Lei 7/1985 Reguladora das Bases de Réxime Local e Real Decreto 2568/1986 de Regulamento de Organización, Funcionamento e Réxime Xurídico das Entidades Locais.

No texto dos acordos adoptados pola Xunta de Goberno Local en virtude desta delegación, terase que facer constar esta circunstancia mediante a inclusión, na parte expositiva, dunha referencia á resolución de delegación.

Sexto.- Os expedientes iniciados con anterioridade á entrada en vigor deste decreto serán resoltos polo órgano que corresponda de acordo co novo réxime de delegacións. Para estes efectos enténdese que os expedientes están iniciados cando houbera tido lugar a aprobación dos expedientes respectivos.

Sétimo.- Estas delegacións estarán en vigor durante o vixente mandato correspondente ao período 2023/2027, sen prexuízo da súa modificación, ampliación, ou revogación polos trámites legalmente establecidos. Estas delegacións non quedarán revogadas polo mero feito de producirse un cambio de titularidade na Alcaldía ou na composición concreta da Xunta de Goberno Local.

Oitavo.- Da presente resolución darase conta ó Pleno na primeira sesión que este celebre, notificarase persoalmente ós designados e publicaranse no Boletín Oficial da Provincia e na sede electrónica do concello, sen prexuízo da súa efectividade dende o día seguinte ó da data en que se dita a mesma, consonte co disposto nos apartados 2 e 4 do artigo 44 do Regulamento de Organización, Funcionamento e Réxime Xurídico das Entidades Locais, do 28 de novembro de 1986.

Coirós, a 18 de abril de 2026.

O alcalde

Francisco Quintela Requeijo

2026/2451



ADMINISTRACIÓN LOCAL MUNICIPAL COIRÓS

Creación da Xunta de Goberno Local, composición e delegacións

ANUNCIO

Polo presente, en cumprimento do establecido no artigo 51.2, do ROF, faise público que o Pleno da Corporación Municipal en sesión feita o día trinta de xuño de dous mil vinte e tres, acordou a creación da Xunta de Goberno Local, e delegar na mesma as competencias do artigo 22.2 da Lei de Bases de Réxime Local (7/1985, de 2 de abril) correspondentes ós apartados j), k), m), ñ) e q).-

Así mesmo, en cumprimento do establecido no artigo 13.3, da Lei 30/1992, de 26 de novembro, faise público que o Alcalde Presidente deste concello, mediante Resolución da Alcaldía de data 27 de xuño de 2023, delegou a concesión das licencias de obras e de actividade na Xunta de Goberno Local, no caso de ser creada polo Pleno, feito producido o 30 de xuño de 2023.

En cumprimento do establecido no artigo 21 da Lei de Bases de Réxime Local, e no 46 do ROF, e facendo uso das competencias recoñecidas en ditos artigos, mediante Resolución da Alcaldía de data 27 de xuño de 2023, nomeou aos seguintes Tenentes de Alcalde:

- D. Juan Carlos García Barreiro, Primeiro Tenente de Alcalde.
- Dª. Yolanda Valiño Pena, Segunda Tenente de Alcalde.
- D. Francisco Manuel Crespo Gómez, Terceiro Tenente de Alcalde.

Na mesma resolución designou aos mesmos, membros da Xunta de Goberno Local, no caso de ser creada polo Pleno, feito producido o 30 de xuño de 2023.

Coirós, tres de xullo de dous mil vinte e tres.

O ALCALDE

Asdo: Francisco Quintela Requeijo

2023/5361